

պատկը, ստացել է նոր եկեղեցի և մի ամբողջ յարկաբաժին իւր
կա՛ն կարասիքով Յակոբեաններն առատ նուիրաբերութեան
շնորհիւ: Նպատակից յանձնաժողովը օգնութեան է հասել հե-
ռաւոր գաւառներում հիմնուած որբանոցներին և դպրոցներին
և եկեղրոնական վարչութիւնն աշխատել է դպրոցների յառա-
ջադիմութեան վերայ առանձին ուշադրութիւն դարձնել: Ար-
մաշու Պարեմանքը ծաղկում է պատրիարքի քարձր հոկոգութեան
տակ և անցեալ տարի ևս եկեղեցուն վեց երկտասարդ նորընծայ
կուսակրօն է տուել: Այդ հաստատութիւնն առ հասարակ սկսել
է կարևոր դեր խաղալ մեր հոգևոր կեանքի մէջ, 1890—1906
տարիների ընթացքում տուել է 28 կուսակրօն եկեղեցական,
որոնցից շատերը առաջնորդական և քարոզչական պաշտօններ
են կատարում և մօտ 200 ուսուցիչ: Եկեղեցական երգեցողու-
թիւնն ևս սկսել է բարեկարգուել. անցեալ տարուայ վերջերին
սկսել են երգել պատրիարքական մայր և միւս եկեղեցիների մէջ
հանգուցեալ Եկմալեանի պատարագը:

Գ. Վ. Յայսէփեան

Մ Ա Յ Ր Ա Թ Ո Ր

Յունուարի մէկին Մայր տաճարում հայրապետական
մաղթանք կատարուեցաւ նոր տարուայ առթիւ: Պատա-
րագից յետոյ միաբանութիւնը ներկայացաւ Ս. Հայրա-
պետին շնորհաւորելու նոր տարին:

Յունուարի 6-ին միաբանութիւնը, ճեմարանի ուսուց-
չական խումբը, Սինոդի պրոկուրորը իւր ստորագրեալ
ժառանգոյնեամբ, գաւառապետը և միւս աստիճանաւոր-
ները ներկայացան Ն. Սրբութեան շնորհաւորելու Քրիս-
տոսի ծննդեան մեծ տօնը, իսկ 15-ին Ն. Սրբութեան
անուանակոչութիւնը:

Մայր Աթոռի տնտեսական անձուկ վիճակի պատճա-
ռով ժամանակաւորապէս փակուած են սեղանատունն ու
հացատունը, Արձակուած ծառաները ստացել են նախօ-

բօք երեք ամսուայ ռոճիկ, իսկ աղքատները դրամական նպաստ կոտանան չափաւոր քանակութեամբ: Այս կարգադրութեամբ յոյս կայ տարեկան բաւական խոշոր գումար տնտեսել և այն ձրիակերութեան առաջն առնել, որ կատարուում էր սխալ հասկացուած բարեգործութեան անուան տակ: Վանքի Ագարակում ևս պէտք է վերջանայ անասնապահութիւնը, և միայն հարկաւոր չափով լծկան անասուններ պահուին թանգազին բոյսեր ցանելու համար:

† ՆԵՀԵՊԵՏ ԵՊԻՍԿՈՊՈՍ ՆԵՀԵՊԵՏԵՆ

Հօկտեմբերի 1-ին Ն. Նախիջևանում իւր մահկանացուն կնքեց մեր միաբանութեան բազմաշխատ և նշանաւոր անդամներից մէկը՝ Նահապետ եպիսկոպոս Նահապետեան՝ 58 տարեկան հասակում: Նորա մահուան լուրն անսպասելի էր, որովհետև մարմնով առողջ էր և օրինակելի իւր կեանքի կանոնաւորութեամբ: Բայց Աստուծոյ կամքն էր, որ նա կնքէ իւր երկրաւորը մի այնպիսի ժամանակ, երբ Մայր Աթոռը, մեր եկեղեցին, այգպիսի եկեղեցականների ամենամեծ, կարիքն ունէր, երբ մեր եկեղեցական ներքին կեանքի շփոթութեան ժամանակ միակ մարդն էր, որ իւր ներկայութեամբ պատկառանք էր ներշնչում և կարգ ու կանոն թելադրում իւր շրջապատողներին: Նահապետ եպիսկոպոսի մահուամբ գերեզման է իջնում մեր եկեղեցու վերականգնութեան և պայծառութեան գաղտնիարի լաւագոյն ներկայացուցիչներից մէկը:

Նա ծնուած էր 1848 թ. նոյեմբերի 28-ին Ախալցըխայում՝ ազնուական ընտանիքի մէջ: Նորա հայրն էր Գասպար Նահապետեան, որ պետական ծառայութեան մէջ բարձր աստիճանների հասնելուց յետոյ՝ կեանքի վերջին տարիները Թիֆլիսում եկեղեցու ծառայութեան նուիրեց որպէս երեցփոխ: Սկզբնական կրթութիւնը հայրենի